

Վասն որոյ և ինքն պատժեցաւ յԱսաու-
ծոյ՝ ոչ լինելով իւրն զաւակ՝ անյիշատակ
մեռաւ:

Լօղօրիոս տուկ Սաքսոնայ՝ Օլթորիոսն
Վոլտ կոչի, սկսաւ յամի Տեառն ՌՆՂԻՆ.
ինքնակալեալ ամս ՎԻ. և երեք ամ յա-
ռաջ քան զինքնակալելն ՚ի Հռոմ՝ ՚ի յԱ-
լամանիայ կայսերացաւ: Յաւուրս կայսե-
րութեան սորա սով սաստիկ եղև յԻ-
տալիայ, մինչ զի ՚ի սովոյն ամենայն երկիրն
Իտալիոյ սպառեալ անցաւ:

Գառլոս չորրորդ սկսաւ յամի Տեառն
ՌՆՂԻՆ. ինքնակալեալ ամս ԻՆ: Բայց
թագ կայսերութեանն օրհնութեամբ ոչ
ընկալաւ: Յաւուրս սորա դարձեալ ելին
բազում պարոնայք և ռամիկք ի թափումն
սուրբ աշխարհին. բայց ազգն Յունաց դա-
ւով բազում չարիս անցուցին ընդ նոսա
՚ի ճանապարհին. զիւր խառնելով ՚ի մեջ
հացին և ալերն՝ անթիւ զօրս մահացու-